

## ПЯТАЯ СЕДМИЦА СВЯТАГО ВЕЛИКАГО ПОСТА.

Понедельник пятой седмицы.  
На шестом часе.

Тропáрь прорóчества, глас 3:

Яко беззакóния нáша востáша на ны, воскресни, Гóсподи, помози нам, Ты бо еси Отец наш, кроме бо Тебе иногo не знаем.

Слава, и ныне: тойже.

Прокíмен, глас 4:

Олтарí Твоя, Гóсподи сил, / Царю мой и Бóже мой. **Стих:** Коль возлóбленна селения Твоя, Гóсподи сил.

Пс 83:4Б, 2

Прорóчества Исáиина чтéние.

Тако глаголет Господь на царя Ассирийска: не внидет в сей град, ниже пустит нань стрелу, ниже возложит нань щита, ниже оградит окрест его ограждения. Но путем, имже прииде, темже возвратится, и в град сей не внидет. Сия глаголет Господь: защищу град сей, еже спасти его Мене ради, и ради Давида, раба Моего. И изыде ангел Господень, и избй от полка Ассирийска сто осмьдесят пять тысяч, и воставше заутра, обретоша вся телеса мертва. И отыде возвращая Сennaхирим царь Ассирийский, и вселися в Ниневии. И внемгда поклонятися ему в дому Насараху отечествоначальнику своему, Адрамелех и Сарасар сынове его убиша его мечми, сами же убежаша во Армению, и воцарися Асордан, сын его, вместо его. Бысть же в то время, разболеса Езекия до смерти, и прииде к нему Исаяа пророк, сын Амосов, и рече к нему: сия глаголет Господь, устрой о дому твоём, умираеши бо ты и не будеши жив. И обрати Езекия лице свое к стене, и помолися к Господеву, глаголя: помяни, Господи, како ходих пред Тобою со истиною, и сердцем истинным, и угодная пред Тобою сотворих, и плакася Езекия плачем великим. И бысть слово Господне ко Исаяи, глаголя: иди и рцы Езекии, тако глаголет Господь, Бог Давида, отца твоего, услышах молитву твою, и видех слезы твоя, се прилагаю к летом твоим, лет пятнадцать. И от руки царя Ассирийска избавлю тя, и град сей, и защищу о граде сем.

Ис 37:33–38; 38:1–6

Прокíмен, глас 8:

Яви нам, Гóсподи, мiлость Твою, / и спасение Твое даждь нам. **Стих:** Благоволил еси, Гóсподи, землю Твою, возвратил еси плен Иаковль.

Пс 84:8, 2

**Понедельник пятыя седмицы.  
На вечерни.**

**Прокімен, глас 4:**

Настáви мя, Гóсподи, на путь Твой, / и пойдú во íстине Твоёй. **Стих:**  
Приклонí, Гóсподи, úхо Твоё.

Пс 85:11А, 1А

**1. Бытія чтéние.**

Авра́м же вселіся в землі Хана́анстей, Лот же вселіся во гра́де окрестных стран, и вселіся в Содóме. Человéцы же сúщии в Содóме зли и грéшни пред Бóгом зело́. Бог же рече́ Авра́му, повнегда́ разлучітися Лóту от него́: воззрí очіма твоіма, и виждь от мéста, иде́же ты ны́не еси́, к се́веру, и ліве, и к восто́ку, и мо́рю. Яко́ всю зéмлю, ю́же ты ви́диши, тебé дам ю́, и се́мени твоёмú во ве́ки. И сотворю́ се́мя твоё́ яко́ песо́к земный, а́ще кто мо́жет исчести́ песо́к земный, то и се́мя твоё́ изочтёт. Воста́в пройди́ зéмлю в долготу́ ея́ и в широту́, яко́ тебé дам ю́ и се́мени твоёмú во век. И отселівся Авра́м, пришéд вселіся у дúба Мамврийскаго, іже б́яше в Хевро́не, и созда́ ту жéртвенник Гóсподу.

Быт 13:12–18

**Прокімен, глас 4:**

Лю́бит Госпо́дь врата́ Сио́ня, / па́че всех селéний Иа́ковлих. **Стих:** Основáния егó на гора́х святых.

Пс 86:2, 1А

**2. Прітчей чтéние.**

Стра́х Госпо́день исто́чник ж́изни, творіт же уклоня́тися от се́ти смéртныя. Во мно́зе язы́це сла́ва царю́, во оскуде́нии же лю́дсте сокруше́ние си́льному. Долготерпели́в муж, мног в ра́зуме, малоду́шный же крéпко безу́мен. Крóткий муж се́рдцу врач, моль же костéм се́рдце чу́вственно. Оклеветáяй убо́гаго, раздража́ет Сотворшаго́ і, почита́яй же Егó, м́илует ни́щаго. Во зло́бе своёй отр́инется нечесті́вый, наде́яй же ся на Гóспода, сво́им преподо́бием пра́веден. В се́рдце бла́зе му́жа почи́ет премúдрость, в се́рдцы же безу́мных не познава́ется. Пра́вда возвыша́ет язы́к, умаля́ют же племена́ гресі́. При́ятен царéви слуга́ разúмный, сво́им же благообра́щением отъёмлет безче́стие. Гнев губі́т и разúмныя, отве́т же смире́н отвраща́ет я́рость, а сло́во жéстоко воздви́зает гне́вы. Язы́к му́дрых до́брая свесть, уста́ же безу́мных возвещáют зла́я. На вся́ком мéсте о́чи Госпо́дни сматря́ют злы́я же и бла́гия. Исцелéние язы́ка дре́во ж́изни, храня́й же егó, испо́лнится дúха.

Притч 14:27–35; 15:1–4